

# 日本三代實錄 序

## 一.日本三代實錄序

臣時平等竊惟帝王稽古，咸置史官，述言事而徵廢興，甄善惡以備懲勸。開闢之辰，日暮於手披之處，遂初之跡，俄頃於目閱之間者也。伏惟太上天皇生知至聖，性植純仁，體耀魄而居宸，平泰階而建極，舜倫攸敘，憲竄該舉，以為始自貞觀，爰及仁和，三代風猷，未著篇牘，若闕文之靡補，恐盛典之長虧，詔大納言-正三位-兼行左近衛大將-皇太子傅-陸奧出羽按察使臣-源朝臣-能有、中納言-兼右近衛大將-從三位-行春宮大夫臣-藤原朝臣-時平、參議-勘解由長官-從四位下-兼守右大辨-行春宮亮臣-菅原朝臣-道真、從五位下-行大外記-兼播磨權大掾臣-大藏朝臣-善行、備中掾-從六位上-三統宿禰理平等，因循舊貫，勒就撰修。四五年來，大納言-能有朝臣拜右大臣，奄然殞逝，既而搜採稍周，條流且辨。天皇，倦負宸於九重，輕脫屣於萬乘，宸流應厭，凝神默於姑射，淨居有勸，落飾於魔宮，爾乃時屬揖讓，朝廷務殷，在此際會，暫停刑緝。

今上陛下，承累聖之寶祚，順兆民之樂推，天縱雄才，嗤漢武於大略，德尚恭己，法虞舜之無為，思欲遵前旨之草創，從即日之財成，敕正三位-守左大臣-兼行左近衛大將臣-藤原朝臣-時平、正三位-守右大臣-兼行右近衛大將臣-菅原朝臣-道真、從五位上-行勘解由次官-兼大外記-參河權介臣-大藏朝臣-善行、大外記-正六位上臣-三統宿禰-理平等，賈其叅譚，亟有頭角，右大臣-道真朝臣坐事左降，歛向西府，洎斯文之成立，值彼臣之謫行，大外記-理平賜爵遷官，不遂其業。

臣等，強勉專精，經引積稔，編次究數，筆削畢功，起於天安二年八月乙卯，訖于仁和三年八月丁卯，首尾三十年，都為五十卷，名曰-日本三代實錄，今之所撰，務歸簡正，君舉必書，綸言遐布，五禮沿革，萬機變通，祥瑞天之所祚於人主，災異之所誠於人主，理燭方策，撮而悉戴之，節會儀注，悉嘗制度，蕃客朝聘，自餘諸事，永式是存，粗舉大綱，臨時之事，履行成常，聊標凡例，以示有之矣。開委巷之常，乖教世之要，妄誕之品，棄而不取焉。臣等生謝含章，辭非隱核，腐毫淹祀，覲汗失魂，謹詣朝堂，奉進以聞。謹序。

延喜元年八月二日

左大臣從二位兼行左近衛大將臣藤原朝臣時平  
從五位上行勘解由次官兼大外記臣大藏朝臣善行

[\[久遠の絆\]](#) [\[卷五十\]](#) [\[卷第一\]](#) [\[再臨ノ詔\]](#)